

竹葉庵文集

竹葉庵文集卷二十三

詩二十三

吳縣 張埏 商言

賜研齋集中

甲辰六月迄十二月

六月朔招同王審淵兵備莊羹堂侍講王秋樵馮玉圃  
田鐵舟三員外集賜研齋

初伏初交天气新眼看河朔興相親  
酒邊涼氣肖宵雨鏡外殘星舊日人  
菱芡不能開水閣芰荷無恙稱衣巾  
春庚秋蟀尋常換羸得修羈白似銀

洞房

六月花園蚊蚋飛倚闌紅袞泣芳菲  
洞房金鎖誰拋卻雲雨山頭滿妓衣

屏風

翠織屏風十丈開  
波濤鯨尾出新裁  
蚤遣安排金獸炭  
莫教郎臥中寒來

寄頤心餘藏園養疴圖

大江西有蔣氏園  
名園曰藏藏不得賢  
士大夫託栖止一艸  
一木矜顏色何況後  
人尸祝地山高水浚  
想釣弋心餘墮地不  
能藏霹靂一聲在九  
域

君在字雷震一聲而生故小字曰雷

中歲稍稍撥耜科  
養母十季

謝官職予勸君藏君則否

兩致書於君未果所約

再出山來老景廂

天子記名作御史  
鳴鳳朝陽人望亟  
一日病癘拜謁難  
上殿不能只匍匐  
大夫賦命欠通顯  
蓴菜鱸魚漫啾啾  
啾啾燕已時藏病  
藏園坯未塞天下  
有耳皆震君博此  
虛名真不直不能  
塞得黃河源不能  
成得黃金億萬斛  
乾坤跌宕才千秋  
風雨淋漓墨君今  
六十頭盡白我過  
五十頭不黑濟南  
初會到於今卅

度荷花水亭側荷花尚作少季紅副相金樞門先生祠堂半荆棘寄詩  
顛爾養疴卷要爾精氣譎闕嗇師門賸得兩人同金不可寒石  
不泐

圓屋午暝

淡林小屋午時暝賓客稀過最晏然兒健鈔詩涼雨後婦催作  
去飯上盤先雞蟲得失原時命荆豹存亾並在緣緣起便知緣  
有住豆棚飛過一聲蟬

喜四兒到京

鵲巢鐙花兆果真漕河安穩送來人憐渠有婦常多病問我爲  
官只是貧昨尚天涯今一室語先墳墓到姻親衣衫與父無長  
短無負鐙馬鶴立身

翁覃溪詹事將歸以詩迎之

每夜雨聲繁思我同心友塞水易成河遠渡但招手山頭下山  
腳山花在鹿口月圓遲君歸吟詩隔牆有

覃溪歸自熱河寫示新詩甚粲和其山行之作緬懷舊

雨情見乎辭二首

甫歲熱河去心餘病未增

此在庚子子與覃溪將心餘同行

故人今塞壁大雅獨升

騰山店喧連雨詩情瘦一鐙季季灑鮑好半夜有漁罾

記得石梁下論詩興未闌松棚容月入山轎對牀安

此在丙申子與王述府還過三

道梁山店無牀移轎同宿月中松棚之下

依舊林花閣相連水寺灘鶴飛應有壽僧老得

同看

聞魚門以病留洛陽未至關中

傳說先生病音書亦未真難爲垂老計最是可憐人  
滿爛荷花老堂空夜雨頻刀鑿愆爾約況念掌珠珍

答許春巖臬使同季自滇中遠致書幣

三十六鱗鯉盤龍江最深故人多厚祿萬里寄兼金此水通廉  
壤同苔豈異岑濩湖舊鄉里何日共湖陰

擬唐人小樂府五首

刻鞞下階迎雙蛾畫不成明知王事促不敢問郎程  
與郎摩佩刀與郎縫戰袍勸郎休半刻明日馬蹶勞  
賊不動干戈如何離別多歸將賊顱骨與妾作柘螺  
螢飄鏡閣肖竹露澹於煙來夜聞羌笛愁長似一季  
僕射父兄親鞏涼未苦辛秋瓜畱爾契歸日是良辰

課睡

疎嬾百無用午中課睡空驅蠅徐埽簟謝酒不吟詩僻屋無人  
到南窗返照遲蟬聲猶近聒申足寢回時

七夕直廬

萬家瓜果看銀河  
裊裊香澹澹波  
今夜直廬花畔坐  
葫蘆已老水荳多

乾隆甲辰七月八日  
寢過一莊院登一樓  
最高做樓角大樹花  
蔭數十畝莊中人云  
此地名紫里荆因此  
樹得名百里內有三  
荆樹此其一也醒而  
憶念兩亾兄故紀以  
詩

兩兄零落入墳邱  
一片荆花夜雨愁  
寢裏不知身獨自  
花開時節卻登樓

論明詩絕句十六首

諸葛先生梁甫吟  
二桃三士寄愁淡  
文成不是真魚水  
一代淒涼樂府心

袁凱新詞楊白花如白燕避風斜夜淡犬吠何人句花已成

泥燕去家

凱撰楊白花樂府或進撰文皇謂憶避文君之山屬望其歸來欲種楊白於淡宮將請花萼於何地凱僞風疾文皇以木鎖鎖之忍死不動放歸凱先擅名風

白燕詩

啓不舛於魏祀山舛於不作侍郎還天教風雅能黃耆伯仲隨  
州賓客間

以刀劃水水不斷何況分唐初盛中變雅變風人聚訟毋將品  
彙別唐風

月泉吟社未彫殘勝比科名黃牡丹不耐醉樵詩品下羸才道  
士頌詩壇

神童宰相一時誇蠻語參軍未是佳福命勝過楊孟載清華不  
愧李長沙

竹枝清絕薛文清滄江愁絕王文成

萬里滄江生白髮  
幾人銜火共黃昏

石齋醞釀騷



人筆天籟詩妖見物情

石齋正人然其詩哀槍遺促亡國之音謂之詩妖亦可

心之所好原難拗活筆微參乃是通辛苦于鱗與獻吉笨蒙措擊外蒙攻

生子當如四皇甫子安不肯作蜂腰中丞禍酷完雙卵一鳳居

然麗九霄

小美不臣言雙鳳

詩字何郎明月篇顯誇絕迹少陵尚仍然長慶當時體不在開元天寶先

同輩名尊白雪樓杜生杜外作詩囚三生石上精覓沙其罪成

於王弇州

但無鹽豉徐昌穀絕憐衿肘邊華泉我不左袒分南北要有聲名在自然

萬里投荒三十季此君濁世最翩翩盡成垂柳垂楊句拋擲橋

遷與路邊

南濠都氏讀書燈風月譚詩此技能輸與對山能救我桃花千樹一青蠅

少卿撰南濠詩語唐解元居桃花鴨鎮院之禍都實發其事也

吳中有客歸季思一千季後學陶詩不嫌痿薄能冲澹除却東坡說與誰

竟陵詩派接公安燼火愀然夜雨寒不道後賢沈著少風流無字儘人看

蛾眉行

六月園中榆樹生毛蟲七月蛻爲蛾粉衣黃脚雙眉宛然如秀莫此乃借衛風比喻之切作蛾眉行俾註詩註蠶蛾之訛也

老榆生蟲化爲蛾一蛾出樹千蛾多初疑落花作隊舞又道素蜨成團過撲之紈扇得諦視雙眉媚嬾如嬌娥詩人國風讀體喻遠山新月全輸佗四翅六足雌雄接夕陽亦臥芳艸坡憐渠七月秋風起謠詠不長天地理若長三春桃李時眉圖妝鏡玉

人窺牆頭馬上逢京兆那有秋孃薄命悲

宋孝宗書統扇真迹

詩曰春雲初起拂青林冉冉因風度碧岑既解從龍作霖雨油然出岫豈燕心後鈐選德殿書四字

小長重

春雲初起廿八字小璽文鈐選德殿中央一尺四角刻識是當時舊宮扇蠟丸未寄北朝箋蠶口自成南宋絹阜陵垂衣廿七

載游執小康勤筆研微祖字與太上字瘦金骨換蘭亭面

帝朝初鈐曰朕

狂東宮只習微祖字夏習太上字

顛扇從龍作雨心思賢祕閣中書院紹興有將反

議和乾道無將乃議戰不贖長城一兩人未信西湖樂於汴芙蓉閣上漫驚秋十里荷花捧扇游不似華清當日事

孝宗和洪邁玉津園詩

玉津燈火望樊樓

虞伯生書訓忠碑記真迹

記曰天歷二季春三月甲子天子作奎章閣柯九思為參書日以國史侍上上讀其

雖辨博洽顧問家世侍御史趙世安邁曰九思先臣謙嘗與修國史出擢舉江潮學事以終其墓碑今侍書學士虞集文九思以說書事英皇曆印至治末去伏田

里乃今邇過聖明去季羣臣度義效節以奉正緒區區微志無有大小悉簡上心臣以爲若九思者父教之有素也上曰其賜碑首曰訓忠仍命臣集書臣集乃稍首述贊云云雜書卷首頌曰敕賜訓忠碑五大字篆書此文道園學古錄及類彙俱不載故節存之

攀龍附鳳何人彊大寶便以歸懷王小臣九思伏田里亦來天上承恩光訓忠之碑天子賜臣集作記工文章記三百言言典重述其父謙多義方吾皇教忠復教孝大書淡刻墳頭岡記成已巳三月後太白或未經天長父子兄弟同一體聯敘天屬爲人綱下達庶人上天子倫之有墮道必荒何人譖進脊令頌爪旌能延花萼芳

吳居父行書真迹五段

張顛楊風俱不惡優孟衣冠弗僞託

陸游詩艸書學張顛行書學楊風

學蘇乃有高

月陽

述月陽人

學米乃有吳雲壑述也姓名弗脰脰瑇也風流事如

昨扁舟橫擘大江風顛名咲倚紫金腳遠樹初明北固樓寒潮

正打秣陵郭外家兄弟恩意全賸水殘山此閒樂榭花團扇御

苑開

殆有同光宗頌安福黃圖扇詩

北宋黨人皆命薄今看遺迹得五段碎錦不全

未寂寞一百一十八驪珠餘霞海嶽江頭閣

朱碧山銀槎陸月叔侍郎同季席上賦

頤至正乙酉者孫承澤所藏頤至正壬寅者宋

宛所藏此題款正北平之物其銘與王士正居易錄所載並同高士奇誤以孫槎卽宋槎故乙酉壬寅不別也朱彝尊李良季是詠孫槎宋宛詩是自詠其槎故曰背鑿至正壬寅字高珩曹爾堪施蘭章詩亦皆詠宋槎故高曰子京季來亦可據曹曰宋公本是神仙才施曰猶存至正壬寅字也若屬鶴所詠馬氏之槎詩無明文不可知矣又居易錄所載是孫槎而宋荔裳招同賦詩曰夏愛銀槎古則是孫宋槎不可不辨也

魏塘巧匠朱華玉冶銀造得銀河槎兩槎乙酉壬寅字雜虎先

後歲月賒西歸於孫寅歸宋咲它不落誇銀花

白傳詩銀花不落從君勸

合是退翁物刻記出自柯庭家

圓上刻康熙五十八年柯庭居士記印曰汪宗柏

記中不言槎

世系我辨銘欺良不差槎有廣脣能受飲槎有蠱屍能槎枒精

鏤一片入斤削鍛火千竅窮按爬節節虛中已剝竹鱗鱗薄膜

初蛻蛇開爐要奪天地祕無漿不許仙人划仙人對客勸客酒  
雖欲不醉何能邪月之既望秋景霽石闌高屋無雲遮酒星招  
搖酒槎大海中拍浮星似瓜博望小侯幾陪宴又看送客日西  
斜

一竹齋圖惲南田畫扇也阮壘邨以貽程舍人東冶東  
冶復購惲遺札與一竹齋主人言畫扇事喜以爲合璧  
而扇偶失去乃彷彿臨此扇與此札同裝乾隆甲辰七  
月廿八日雨中題其後

種竹千个不爲多寫竹一个不爲少誰家贈扇已以羊今日題  
詩亦過烏風亭月幔畫中開畫又難尋寢影來多謝塞暄畱數  
字墨痕如雨滴青苔

中元夜星星鐙歌

園中拔蒿蒿成樹羣兒哀置街心路日落未落叫噪忙蒿高八尺香干炷縛香作花蒿作葉花吐繁星葉隱霧一香一火上下接一火一光東西布初如亂螢流月娥相隨屋角住嗣如鑪炭爆青煙氤氳半空度復有小兒肩蒿來蒿短香稀自珍護不能爭勝亦慙然羣兒揮之不入數我勸羣兒且勿雄意氣香燼灰飛不得鐘鳴駐明日枯蒿滿道匐乞兒束去煨墟墓

傲樂天簡簡吟七月晦日作

一鐙熒熒一鐙暗朏月無輝晚鐘撼蠟淚盈盈瀉作波碧艸叢叢細於毯美人十五擅華季絕似一枝紅菡萏鐙角拜佛不聞語料量芳心自多感手弄琴徽裙帶長髻對鑪香花影淡巫言仙女仙山客阿母剝下紅巾擘千金寶玉不醫瘡十斛月砂豈鎮膽那得人閒有繡絲何處畫圖裘錦暉寂莫沙洲天地冷簡

簡吟成老夫慘

新安令李南礪

文藻

遺像二首

吾生未識于懸客多聽同人說此人惠氏

棟

九經傳小學能供

梨棗亦功臣

君刊九經古義行世

東原戴震病誤石膏涼可惜通儒信溼方那道傷生李南礪荔支

三百中膏肓

顯葉筠洲副使

士寬

遺像三首

有序

副使既家居約諸生爲會課屋後分拙政園之半而爲園於園之隙地仿爲號舍數十楹一晝夜爲七執而評其甲乙先是吳中郁君九如以老諸生爲經師嗣陸君桂森李君敏成以進士在里中俱授泐然皆取給諸生脩脯副使名位既稍通顯又豐其飲饌給紙筆應府縣鄉會試必有賸送於是學者喜從副使



游幢幢多百八十數季中後起時彥出四人門下爲盛而副  
使尤盛然皆文字相感無入主出奴之黨而大約善假獎譽成  
其名嘗記李君課一生卷乃錯圈平它一生之屍葉此生以告  
李君曰無傷它生之文亦須圈也有招子課於副使園中會者  
六七十人副使拔子弟一便諷令往負篋子時以塾師蔡先生  
爾浚初懇謝不可亦不忤也然子進謁亦少疎矣此子不樂埒  
副使而非副使之不知子也副使物三十季其外孫趙舍人出  
遺像求題爲之愴然因詳書之補墓表墓銘之不備以志引掖  
後進如此之汲汲而爲士大夫所難能也系之詩曰

臨頓橋連北寺橫  
葉園花放樹藏  
鷺曾分筆研嘗  
精饈也抵黃  
壚萬古情

風月書樓石屋邊  
公能未老卽歸田  
我今白髮顛  
公像已隔岸

塵三十季

同里時多賢搢紳尚書銘墓最情親重看太守銀鉤字秋雨殘  
碑盡古人

係後同襄墓銘墓表並亡友徐鄰哉書尚書謂子庶師彭夢庭先生今六月罷逝故感及之

煙花行

老圃種煙不着花  
簪花成時怕葉瘦  
我今不爲種煙計  
葉聽蚤  
繁  
花  
晚  
茂  
辣  
性  
漫  
託  
薑  
桂  
似  
豔  
色  
乃  
遣  
焉  
支  
逗  
風  
中  
無  
香  
韞  
海  
棠  
雨  
裏  
微  
紅  
坼  
豆  
蔻  
圓  
筍  
長  
柄  
粲  
可  
數  
素  
虵  
黃  
蠶  
遠  
不  
覩  
明  
知  
花  
是  
無  
用  
物  
葉  
亦  
何  
曾  
苗  
共  
秀  
農  
書  
九  
穀  
荒  
其  
本  
本  
艸  
百  
藥  
讓  
爾  
富  
外  
於  
賓  
客  
內  
閨  
房  
嗜  
及  
華  
顛  
到  
童  
幼  
那  
有  
世  
閒  
作  
食  
品  
火  
化  
灰  
飛  
不  
邁  
豆  
小  
醉  
何  
如  
暱  
麪  
生  
餘  
情  
燕  
著  
連  
香  
獸  
昔  
賢  
艸  
木  
不  
及  
狀  
近  
來  
狂  
藥  
誰  
能  
救  
承  
跌  
結  
子  
假  
纍  
纍  
我  
畱  
此  
花  
得  
無  
謬  
吁  
嗟  
乎  
我  
畱  
此  
花  
且  
看  
花  
閒  
院  
一  
叢  
當  
午  
晝

中秋置酒鄰居董舍人牆頭送帖來觀多希世之珍卽  
事吟詩書宋拓太清樓四卷後

開園洗讐去作去中秋似此歡  
棕夜景幽野菜花明涼月下舍人  
帖送古牆頭衣多酒氣圍兒女  
簾動鑪香出屋樓畱得老夫殘  
醉坐曉雞時節看銀鉤

十六日玩月之興未闌攜兒女  
重置酒燒香後園舉展  
重陽之例謂之展中秋也

展中秋先去展重陽又對冰蟾一舉  
鴉圓後不消今夜恨  
瘳來猶是古時光誰家砧杵知  
寒信何處星辰照洞房  
不是悲秋吾不會悲秋何似逐秋狂

十八日先慈生日風雨陳奠  
淒感而作

影堂迢遞紙錢灰爲位天涯奉  
酒栢雨點細於心上痛風聲吹

作樹頭哀昨宵有癭尋親去八月無潮送我回最欲寄聲泉下  
問阿兄可自玉門來

與王葑亭比部同季借琴許作詩及還琴又許作詩而  
皆未也葑亭限韻催詩復約小飲次答三首

白雲書判又耽詩綠綺同聲出妙辭不似舍人琴客散秋鐙無  
酒守空鷗

還琴尚欠借琴詩詩客催詩不費辭檢韻輸君酬韻穩吳人原  
不辨祠鷗

吳人呼祠爲鷗見顏氏家訓

有琴復可和陶詩有酒端宜讀楚辭已甚蕭條寒夜近好燃糠  
火熟鷗鷗

楊忠烈公血影石歌

相傳刑部堂階石上有血影如人形是公被拷之處乾隆三十六年堂毀於火此石乃不存王君友

亮作詩以志靈迹屬予同賦詩也

八千女鬼九千歲大刀楊漣想殺之刀鑿斷折殺不得獄中冤  
苦生黃芝乙丑七月廿六日魂禿當訴高皇知片石公血所漬  
淅陡出幻相風雨時不鑿不刻不圖畫非神非鬼非行夙頭面  
彷彿若怒虎要背以下如盤螭摩石弗腥鑿公潔埶石成影憐  
公癡妻孥身世一無戀胡聚光怪偏如斯傳聞當日被拷掠對  
簿只在鎮撫司如何血影落刑部是必會鞠來於茲殺公不出  
一人手李養正等皆闖兒時李養正爲刑部尚書石若能言述公恨皇天后  
土亦涕洟君不見侍中香火江上祠夫人節烈萬人悲風鬢霧  
鬢留天地比作望夫山更奇今江寧黃觀祠堂有留夫人翁氏血影石是夫人  
殉烈夙夙於此石乃留影也子拜祠下見之陰雨  
則影愈明焉以上皆見似愁憫側顧之狀族父京兆公扁曰誠則明

施耦堂給事同季以詠燕詩索和留之篋中兩季未報  
也頃悲器逝其子尚幼檢得此卷和其乳燕韻二首以

償夙諾亦當挽歌

烏衣尋舊巷不似舊新豐  
荒屋迭驚雨新雛未耐風  
柏臺無樹直花苑與泥融  
老淚因同榜誰真百歲翁

昔賢寡婦賦腸斷到空闔  
白日看孤燕靈牀奉隻雞  
掌中誰慰藉君女爲朱五學士子婦婦姑頗有齟勃君之所隱痛也  
郗下要提攜痛絕酬君韻  
寒雲半嶺栖

大觀帖甫四卷榷場本歌

太青樓高高百尺燕五州  
尚無烽燧罷安妃卷簾坐  
摩挲翠

墨神霄連樓下新帖石十卷宋時以淳化爲舊帖大觀爲新帖  
排次出於龍大淵刻

手未必安民在標識并令元長傳  
今季中秋月華好舍人董教

屋隔牆東邊牆頭送帖乞我詠  
四卷體妙而神圓亮字鑿損海

陵諱榷場津折盱眙錢周郎天球  
書籤金粟舊新安汪無擇字象先  
藏印紅

泥鮮世閒尤物動魂魄何止古人不得眼王元美跋云子復得第七卷不完本令象先夜讀不著  
大

觀模勒歲在丑丰昌士女疑神仙靖康一炬不可救此石遂與  
東都遷南賈北賈以地踞宋使金使如梭穿青城有恨不能說  
琬琰飄零亦可憐還君此帖漫惆悵幽徑黃花重九放且借翁  
家半卷看

墨戲第六  
卷之後半卷

閒情一醉茅柴釀

### 收菜行

種花人家多種香種菜人家多種糧吾園無花只有菜收成喜  
不遭季荒閩人糝鹽哀入饜今歲西風恐蚤凍料理燃糠煨芋  
鑪雪滾自在蘆簾癡

### 拔蘆葍行

蘆葍蘆葍根可數如小兒臂有餘怒自詭泥滾一尺疆那知葉  
敗全身露庾郎清苦未爲貧且鬪尊角現托身花落月涼兒女  
睡紅鹽白水嫩於蓴

閒夜偶書

寒月窺人影空圓  
衰寂寥鏗閒花自落  
詩淡墨重描催飯  
遲茶  
熟多兒惜女嬌  
明季合歸去不待  
故山招

看閨人位置鞠影

巷長沾酒人初去  
被冷添衣寢未來  
四壁倚鏗如看畫  
好花與影一同開  
分明虛室連雲塢  
收拾東籬傍鏡臺  
通德夜浚非擁  
書虞卿客倦本無才

丙吉問牛喘圖

畫人畫出丞相節  
畫牛畫出牛吐舌  
郵亭風物皆青春  
牛爾何緣獨獨熱  
野父匍匐再拜膺  
當今農事功作興  
肥牛驅使應官府  
瘦牛扶犁牛病增  
欲牛不瘳復不喘  
丞相經國能不能  
少卿諳讀尚書傳  
燮理陰陽未可憑



東坡集卷之三  
三  
小石方寸許一面頤曰松溪印月一面頤曰輕舟出峽  
皆石理天然如畫其側曰十岳山人明歛人王寅仲房  
所藏之物爲之賦詩

一松橫偃溪月流兩人對立出峽舟十岳山人二百載八分細  
字頤蠅頭宋時士夫愛石供仇池研山各珍重何如石理孕畫  
圖造化譚將筆墨用少林兵杖掘土酋不舛靈藥無丹丘裏石  
往來一萬里一路江船山月樓

冬至甫一日恭送

大駕詣

南郊齋宮

北闕晴雲彩仗來

南郊齋宿幔城開期頤送喜看千容

明幸正月六日  
舉行千容宴

太極生陽兆衆

孩天廢龍驤催羽騎 御鑪象藏應葭灰  
芳芸柔荔乾坤徧總 佐

皇王獻壽栢

次韻答鮑雅堂典籍同季冬夜同直見寄並過夜話

夜火東西兩直廬同季恰喜對門居  
寒猶警露何如鶴聞比垂 鈎不枉魚阜隸散歸無盡諾  
弟兄情語當緝書狂吟亡角時常  
有精細詩篇理不疎

寄壽心餘六十二首

接見新詩句有神江聲廬翠興相親  
尋常咳唾皆千古六十風 花號半人病  
亦神仙能避劫老於大雅獨扶輪  
四服贅累原微末 爲米疾也 頽粉孫陀莫近身

三十季肖醜虎邱爲君生日買扁舟  
乞喙蠶蝶花間閣拜佛雲

山竹裏樓入世何人春癡淺居此老晚香畱諸公持節藏園  
會子得同來佐郡不心餘來書云待公等持節來與病夫相見子無分有此擬乞佐郡可同會耳

頤程友聲

鳴

爲漁洋尚書寫夫子弟二圖三首

夫子亭下詩人宅若个尋詩載酒來魚子水灣灣流不盡山花

歲歲又重開

九州幫屐奉詩壇老去青山對戶看還是於陵耐千古白雲夫  
婦兩高寒

丹青弟子擅風流第一圖能得見不畫筆漸枯詩漸老綠楊不

復寫揚州

綠楊城郭是揚州程生亦曾爲尚書作圖

爲總校陳生題其母氏荷亭課子遺像二首

兒奉夫人遺像來乞詩鄭重最悲哀慈親便是荷池葉捧爾荷

花今日開

今日兒能校祕書書燈相映夜窗虛  
十季舊事分明在蓮蕩香  
中放學初

竹葉庵文集卷二十三

竹葉庵文集卷二十四

吳縣 張璠 詩言

賜研齋集下 乙巳

走馬鏡

南油西黍滿街燈，四角風輪走馬能。  
夸父奔波人並老，王良名星見慣月同升。  
火牛燧象三更燼，蠟淚蘭膏一夕冰。  
此事兒童真拍手，按圖索駿又何曾。

花朝題鄒滿字 典 畫卷二首 有序

卷逐段畫梅花桃花及山水梅花後題詩曰：三家邨裏無燈火，千樹梅花作上元。佳句也。乾隆壬寅子至曲阜與孔戶部 繼涵

同觀於紅欄書屋以小印鈴之。屈明季癸卯程編修 晉芳 題於

歷城旅次。又二季乙巳顏教授 崇潔 攜此卷到京。乞題。則孔程

二君皆歸道山今日正值花朝初見桃花不勝淒泣顯詩云  
燈火梅花作上天桃隨後徧芳園而今漸少看花客不遇花  
朝亦斷魂

卷中顯字說程尋風雨黃蘊有斷縑莫道尊庠無淚下花開時  
節嬾開簾

石屋橫雲歌謝徐鐵厓學使惠靈壁山子

靈壁佳者不可致匠斧伐盡山之苗鐵厓貽我好山子阮產當  
出趙宋朝橫廣一尺高八寸下承三足爲山椒其鹵圓竅洞明  
月其東高跨連長橋橋不可梯磴崩絕沿緣北壁疑通樵忽放  
平衍作石屋縹緲靈透空於瓢拓之若寬百十丈定有仙人來  
結寮石屋之上最高頂北峰回顧南峰腰又鹵白雲一縷起風  
吹不散亦不搖大則能爲天下雨小或不使方隅焦君子小言

而大賦千巖萬壑手可招黑質白章周官染輕金浮玉古聖韶  
攜歸坐臥對三日靜壽期爾爲久要吁嗟序靜壽期爾爲久要  
新詩慙愧非瓊瑤

恭進辟廱詩九章

聖人爲君

聖人爲師久道化成以介

春祺惟

聖尊聖宮牆在茲乃建辟廱鼓鐘將之

四代之學名不相襲明堂靈臺或在郊隰唯

皇定禮厥中允執乃建辟廱太學並立

辟廱唯何波園于璧春水方生爲梁百尺明和天下

聖人悅懌董役司空相禮宗伯

歲在旃蒙如月上丁

天子釋奠于羽在庭風和舜珩階堦堯奠榮光瑞氣燭于櫺星  
乃臨講幄鑪香靜謐春殿書聲卿雲麗日功在韋蒲鑑存  
簡叅以助太平自六經出

臨講唯何仁敬孝慈先聖

後聖同昇緝熙君臣父子彝倫克治以享

天祐福祿無私

臨講唯何天行之健功循德懋學緣時勸吾

皇敬

天乃奉天憲大衍有策積而億萬

先練時日覃恩九有法

祖式宴宴三千宴土司外國亦來恐後



五班一堂 錫福悠久

辟靡湯湯素王之宮市有槐綠壇皆杏紅九旂招搖 綈几當

中禮成樂闋人仰 元功

次韻 文淵閣曝書

晴窗四拓會儒紳 雙璽紅泥照眼新每冊書首葉鈐 文淵閣寶 龍藏 宋葉鈐 乾隆御覽之寶

得闕無盡處鴛聲又報最芳辰日當午正無斜影盡絕孳生謝

點塵歸有催詩翁直閣方和詩幾个替季人

次韻送陸月叔直閣奉 命赴熱河安設 文津閣四

庫全書

石梁飛雨界天紳松翠連雲 御苑新獨郡臨邊控諸部喀喇河 屯今改

承德府 六經度 閣仰三辰大臣將事時詹吉小驛傳呼屋埽塵

兩度出關衙 寵命角季赴奉天安 設 文淵閣書 咲它負弩蜀中人

清明後一日同人九龍山看桃花

去季花紅今季白去季花盛今季稀二月六日雪一尺久旱津  
液升芳菲同人要約看花會看花不醉不肯歸清水河畔春波  
淺紅門口外野鹿肥一夜東風送寒會上劉女子換袂衣鳥最  
嚶嚶楚楚花自漠漠煙霏霏麥田麤王吃大餅吾瞽今歲或  
不饑行春便操栝筇去此事相賞休相違黃金那買白頭黑長  
繩詎繫西山暉人閒好事多有恨莫待芳華零亂飛

江漪塘董觀橋兩舍人寅酒招看勺藥酒半喜雨而作  
揚州勺藥天下無豐臺北來作苗裔豐臺女兒嬌青春白面芙  
容挽高髻花餅澆花轆轤長花田采花星月霽阿翁挑擔入城  
賣千紅萬紫五侯第就中一品白者彊經量古尺以尺計雒陽  
穀貴姚魏荒鄭國詩殘溱洧逝只仗此花不泯沒花光爛然屋

不閉三季刻玉偶然成滿斛量珠那得貫天公道是賞花會遣  
送雨聲響林際人閒悵意有如此酒氣上升消早厲鳩錢便造  
杜康祠打鼓休爲女魃祭醉中戲語亦勿喚醒裏關心惟此歲  
江郎鄉思在紅橋心火將離特地燒董生亦是秦淮客不管江  
頭蚤晚潮

送春日顯陳誠將

禠

修禊圖送顧生

文鉉

還濟寧並感

吳中舊游二首

茂林修竹永和春春盡櫻桃似火新不道弟兄稀酒伴廿季怕  
作送春人

上巳何季在石湖瀟瀟看載酒不曾孤風風雨雨湖頭水流盡人  
閒修禊圖

桂未谷訓導寄蠶尾山房墨以金冬心墨報之顯詩四

首

我愛尚書赤牘書瘦金字體最蕭疎珠盤玉敦同時盡人比螺  
丸壽不如

晚歲山居半壁苔傍門閒埽落花開門生有个天都客埽與茶

網寄墨來

歎朝門人汪洪度監造汪名于鼎歎人

好詩濃墨兩鮮新淡寫烏絲亦入神真研何如真手在先生畱  
此夏摩人

綠楊城郭短長條後起詩人亦寂寥兩處封題兩家墨斷煙零

雨不勝飄

漁洋詩綠楊城郭是揚州

題徐后山舍人亾姬李窈孃墓圖二首

墓上皆植桃花

窈孃爾是小桃紅墳上花枝墳裏同莫關亭亭三尺影一枝雨  
又一枝風

織縑織素一思君不賡招魂金縷裂明日舍人應載酒六如亭  
下拜朝雲

書任子淵山谷詩注後

張淵祖占老夫名明月甫身亦有情天社只今傳夾注豫章此  
派語三生雲龍賸有東坡逐水火迆勞蔡下爭九月空州纔了  
澈大江萬古碧波清

山谷詩傳張方回家藏本方回名淵其祖子同名也

茗香亭看荷花

午睡纔醒著屐過綠陰閒占此亭多人因宿酒連新雨天與涼  
風看晚荷淡水浮光魚一寸茂林得氣鳥雙窠紅衣莫便驚秋  
褪菰米江南憶舊蓑

領豆

乙巳三月

貧官一國人一歲國人會少歲會多豆貴芻貴減歲料歲不能

言可奈何開倉 特許借官豆一品以下豆滿殿小臣南山本  
無業飽及飢腸到六畜

領麥

乙巳六月

今季麥秋秋無季斤麪五十青銅錢司農句算借官麥七品以  
下官與焉大車小車上倉領大磨小磨壓贏頸小臣未鉏地一  
寸兒女商量喫大餅

頌畫禮堂圖四首

大師樓可登黃巾賊不懼黃巾不殺公大師殺李固大師賊不  
如嗟哉何不悟

亦畫知詩婢亦畫識字牛不畫諸弟子恐有郊慮羞鄰牛婢不  
如嗟哉夫何尤

公可爲嗇夫不可爲司農不與人家國知命乃不凶不畫通德

門所以悲孔融

班已墮桓靈道可爲堯舜寫書鄉禮堂六經得不燼不盡幅巾  
像恐疑見何進

七夕供荷花製荷葉餅對酒感舊作詩也

秋圃尋秋秋可憐淡栢掌覆一陶然瓜如織女三分苦餅與荷  
花一樣圓錯落羊鐙季少會分明魚鑰夜淡傳而今小劫成焦  
土竹賸輕雲樹賸煙

不睡

鐙穗鑪香兩不濃老夫不睡伴吟蛩一夏雨到五夏雨東曉鐘  
連西曉鐘波瀾闔廬城下勝雲沈林屋洞邊峰秋情鄉思紛於  
織人隔江南弟幾重

朱龜碑乙巳五月爲壬秋史編修題

人在曹鸞黨錮時幽州刺史說朱龜雨中夏木森森綠獨有閒  
情讀溼碑

黃倅小松寄靈臺朱龜譙敏三碑七月廿五日次庠韻  
題

秋雨泥濘沒髀時今朝喜鵲勝靈龜開緘黃九平安信又見人  
閒三溼碑

美人

美人團扇惜芳華逝水驚心歲月賒遠近西風滿樓笛兩三蟬  
蟬一團瓜偶然歎息如吹劔瞥爾歡娛付睡蛇秋癯何如春癯  
穩不隨香篆印窗紗

中秋擬踏月訪王葑亭比部不果并簡令兄

眼昏且傍月婆娑掃徑燒香坐薜蘿斷續晴雲今夜好太平小



巷醉人多老夫，足蹇跛如鼈。嬌女眉長翠，勝蛾輸與王郎珠。弄  
掌弟兄春艸共吟哦。

查映山學使招同莊羹堂秦漪園二翰林徐鐵厓秦端  
厓二學使依竹堂賞桂

書堂修竹翠，嬋娟竹外芭蕉未冷。天香得桂花，淡似海酌來滄  
酒。沸於泉，莫言六客尋常客。已作同季，廿一季韓孟雲龍心事  
共白頭。关口我慙先。母會以午歲爲長

戲用甫韻重九甫一日與映山乞滄酒

紫萸黃鞠兩娟娟，又近風情重九天。不必詩篇愛風雨，卻嫌酒

價貴刀泉

今季紹興最貴  
府此所未有

滄州絕與醜，酬妙太歲如逢申酉季。古曉歲  
逢申酉

乞將  
得酒

不是隣醢成故事，牆頭能送古人先。

九日映山送酒以筆二柙報之再次甫韻

今朝腳力登高嬾絕好西山卯色天送酒人來夕陽屋鈔詩筆  
洗鞠花泉有田種秫尋歡會會躑驚鷺語昔年珍重報君情鏤  
管策勳醉墨要君先

九兒

孝標

模漣瓦頭鏡背銘文作小圓印九枚短歌書

其拓本後

千門萬戶古宮殿癡雨飄風今不見上林未央瓦當字那知曾  
覆神仙眷神仙妝閣盤龍髻月鏡團團作盟誓上方銘語鑄洪  
鑪安樂長生萬千歲鏡囊遺失鏡臺空匊裏金蠶暗似銅優不  
相忌不能待子藏漣瓦文曰長母相忌君恩妾貌有無中小兒好事模小印左  
右回文字神儁秋窗濁酒漣書同渭水中南不一聯

九月十九日寢與莊谷同看鞠紅欄書屋似予將歸蘇  
州莊谷舉酒言曰能爲我復留三日乎語罷淒然醒後

月斜鞠影正在窗也

其人如玉魯東家老樹紅欄滿屋遮  
七百日來悲宿艸一千里  
外癯黃華弟兄今世知無分杵臼來生亦有涯  
願在人間不相識人閒相識幾搏沙

一屋

一屋人散後老夫眉長揖日對諸少季不如日獨立

自 圓明園歸宣武門已闔詣陸月叔侍郎借宿對酒  
有作

嚴城上鎖歇門過案戶星光勝月波暮夜略如水火乞同季況

累酒豚多兩家用橄思姻婭

月叔親家錢慈伯檢討子之親家王崑霞吏部眷屬同時南歸阻於水淺無消息也

一屋

鐙花癯薛蘿親在恒言不稱老如公台輔未蹉跎

次韻同月叔懷慈伯南歸

兩度秋深送爾還五季漸老鏡中顏

記辛丑送君已五季矣

扁舟今夜知誰

傷去客無官儘意閒  
弦月何如江岸濶  
蘆花偏勝稻梁慳  
賓鴻書信樓頭少  
那隔千山與萬山

月叔來詩云情語家家親  
申有愁懷昔昔別  
離多輒次  
肖韻奉答月叔夫人  
屢令人訪漕河歸舟  
消息而予之  
閨中亦絮絮不已  
蓋以兩家親家之  
女子同在舟楫間  
也詩中並及之

愁水愁風盡室遷  
無風無水亦愁顏  
阿婆屋裏川涂算  
小女船窗繡綾閒  
不道兩家各情重  
何季五嶽未緣慳  
秀州近在長洲苑  
蚤載茶鑪去看山

月叔倒次過字韻詩依韻再答

十季歸計儘蹉跎  
十月江邨冷翠蘿  
黃雀綿重平燒芋蚤芋大者及斤許

拌餠燒之天略明  
橋頭巷口供賣之

青魚尾美

青吳人讀如羹轉音也  
蘇云鱸魚頭青魚尾

熟葦多客來  
餠賣鐙片

驛平望僧寺薄荷餠夜  
市三四夏尚有之

船到橋通月下波

吳中多汜月於寶帶橋此二  
處皆蘇州到嘉興稱過之地一咲

詩成對燧燭  
眞疑畱柵待君過

江浙水鄉多設水柵  
止夜行予之錢亦放船也

葑亭送蕨菜久餒  
報謝醉中會之而美戲題八韻

寂寞山中有  
多承塞上攜  
因之念君子  
原不餓夷齋  
幽處花經宿  
陽坡葉未低  
如拳春雨坼  
似艇束脩齋  
戒殺天親侶  
耽齋法喜妻  
斷然非野葛  
可以伴寒齋  
醉筆無停想  
新詩報舊題  
要誇好腳力  
撒手萬峰躋

或言入解無罔病痿也故有野葛萬峰之句

廟堂碑宋拓城武本歌

金聲玉振古今闕  
鳳翥鸞翔川嶽驕  
頭陀豈森片石訪  
薦福合有驚雷招  
多謝永興王節度  
碑材重買墓穹霄  
清渭一洗相王字  
大周再削女主妖

今陝本碑領  
燕大周字

城武乃近聖人里  
鬱乎廟堂高

麗譙妙跡不知屬誰勒惜無姓名甲子標澄膠不止瓠棗洩殺

馬廷益龍巖髣髴侏侏胃子操短牒峩峩禮器連浮橋此碑沈埋

不得救

在至正二  
十六年

到今沙蝕如蟲彫竭見古本鋒銛古珠明玉脰

心魂搖蘭亭遺韻過江去遂以筆法生餘姚光苾謝絕劔戟氣

細膩抽發珊瑚條有唐初興三君子如鼎而立三足翹軒

然如椽在天地羅列翊輔神京遙被之宮牆尤富貴夫子道重

雲溼昭聖教馱經述僧佛謂稽醴泉禎瑞誇皇朝事皆阿諛涉

異學文之所累理則澆何似如星如日筆必不先聖先師祇價

五百緡太狂煞行卅六字難鉤描陝本卅四字城  
武本卅六字窮秋何興遣岑寂

打檻入戶皆寒颯漁人再到桃源日花恐亂飛水亂漂

立冬甫一日賞鞠二首

秋晚非爲晚先生且看花當風應插竹洗葉肯埋沙桃李不能

待蜨蠶亦有涯以茲生感激無語對芳華

天地不假借有花終放花人情多蚤望物意特遲誇貰酒點盤

會長

平聲吳中  
方言如此

男小女譁此時恪相賞莫慰老夫家

城東邢氏宅看鞠

簾卷西風瘦可譏今朝方識此花肥玉環

白玉環一種  
辨辨拳曲

留作初冬

豔黃鶴真高六尺飛

黃鶴毛一種高六尺花圍  
一尺二三十寸真大觀也

天下好詩彭澤是人閒

奇卉洛陽非不緣隔个城門鎖肯撇芳華便忍歸

甯詩未盡鄙意又賦一篇

三閭餐落英時物感在丹靖節賦東籬芳菲藉點染嗟嗟士失  
志所遇偶寒儉詩家慣沿襲躑躅向溪崦曰瘦復曰淡似衰而  
似貶形容不盡致其語只如魔大造運四時春豐秋非歉宿葉  
厚於菌老根粗似屨花枝六尺彊花光一屋閃黃金造槃杆白

玉刻琬琰呼作富貴花鞠乎良不忝如何徇花史隱逸傳中檢  
頗疑中行非乃失三春燄不知桃李賤且圖牡丹諂茫茫無識  
人眼光豆一點禹稷與顏回易地何嘗掩

程東冶舍人招看手插餅鞠

雨風晴霽一枝枝正直橫斜並有之絕好花光在邨落縮將陂  
逕入軍持素瓷貯水如明月焦墨微吟寫淡詩尚道玉栢不相  
稱主人情重醉歸遲

五雜組十八首

五雜組州九土往復還泉九府不得已獸九扈

五雜組印五經

購得永樂中尚書周禮句讀  
音釋皆五色套版糊紙精絕

往復還步五星不得已鑄

五刑

五雜組滕王虺往復還河東篋不得已昭陵帖



五雜組獻馴雉往復還祭五時不得已洩瓠子  
五雜組韓康藥往復還林逋鶴不得已揚雄閣  
五雜組薛濤紙往復還蘇武使不得已張璠禮  
五雜組織女絲往復還國手碁不得已名士詩  
五雜組江上霞往復還渡口槎不得已看落花  
五雜組官窰盜往復還九曲篆不得已秋聲館  
五雜組合歡被往復還知心婢不得已銜肖淚  
五雜組花閒陌往復還樓中屐不得已人化石  
五雜組五行怪往復還先天卦不得已屯家敗  
五雜組畫驛樓往復還文書稠不得已讞重囚  
五雜組告身字往復還上林駟不得已得醜諗  
五雜組金鯽魚往復還尺一書不得已獨輪車

五雜組重陽饒往復還半夜潮不得已獨木橋  
五雜組田中穀往復還古碌碡不得已荒邨畧  
五雜組百花醞往復還回文韻不得已作家訓

饑貓想捕雞行

饑貓想捕雞半夜雞亂飛貓小皮毛薄雞大爪距肥貓恃三更  
多眼力雞僂眼昏有翅翼撐翅打貓貓叫禿食不安穩迭作賊  
饑貓饑貓不捕鼠日出高高雞啄汝

采岡樗行

采岡樗岡樗之大大於升手擘略如紅水晶房寬子澗無多層  
一園亦有百十樹一樹三五曉星布不敢多貪糞力枯要求少  
結精神固秋漢樗熟點樗來園主分明冊籍開辛苦一季無一  
廢地租了畢樹空栽采岡樗爾計良已差防雨防風防蟲疰飽

喫榴子何爲耶  
明季邱有麻田有瓜  
牆頭屋角勝榴花

三絃子行

三絃子街巷悠揚韻入耳  
列諸笙磬祝歌隊檀枋蛇皮直羞舛  
妖狐亦有美人風  
腰頭拖尾長幫紅共姜伯姬若在室瑟縮頓  
化爲沙蟲啾啾唧唧兒女祕對泣新聲似鬼魅贈以古琴聲不  
啞玉軫金徽朱漆地如何海上無成連勸人只學彈三絃

幽蘭在空谷

幽蘭在空谷無日非芳辰  
移之出山來乃爲天下珍  
珍者自世情於蘭何所欣  
西施不出邨何嘗不嫁人

木瓜展拘攣

木瓜展拘攣勺藥諷別離  
古人投贈意珍重非無爲  
初交說刻頸面從而心疑  
報恩不得已所以悲如姬

寒夜偶成

欲雪不雪天已凍，欲月不月光最遲。每當長夜不肯睡，或者無  
常遇好詩溪雲小閣漁燈在，蘆荻殘花野雁知。圖畫此中不可  
到，應有幽人絕妙詞。

吳中呼一種乾筍曰繡鞵底者戲詠之

修竹天寒算芳蹤未淺埋香泥看雨霽繡印坼苔階潤比蓮花  
瓣尖同鳳股釵鞵楮或對汝掌拓小於鞵

月叔廢中讀畫題詩模其廢中之畫錄詩其上月叔家  
於秀水卷中風景絕似永安湖次韻奉頌

秀州平遠絕無山六里堰名而東峰翠環無數夕陽牛背近一林  
春樹酒旗閒放船只在溪南北歸廢先知路往還一咲畫圖真  
遇此鷹窠茶磨去聲俱山名水雲閒

冬青樹院本<sub>友蔣</sub>心餘病中作也予爲序之越二季  
君遂俎謝或言予序譽之失實寒夜展卷書其後

菁華茶爾不如用三日成書卅八篇莫道老夫曾作序病中相  
慰實相憐

送周生

君是江頭客江頭雲亂飛弟兄三處在風雪一人歸負米情何  
急稱觴事未違行程無萬里去住傍春暉

題龔半畝<sub>賢</sub>寒山畫像

一个風幡人未知道人心動要吟詩天台山裏曾相見掃罷桃  
花獨立時

雨織絕句

吳中社頌

不定陰晴水鶉鴣借來花外酒家鑪分明大過青荷葉一幅江

邨遇雨圖

記予未弱冠時茅湘客選詩來吳下介中表董幼渠過  
訪先君子會它出予迎之南樓飲酒賦詩極歡而罷選  
詩曰絮吳羹未成而湘客謝也今所存予家惟先祖及  
族祖孝廉公諱發合刻一卷耳偶檢及之題詩云

筆研安漁艇風花助酒鎗人來潯子國月滿闔廬城二句坐中開董所賦詩  
我南樓坐招翁北郭盟卅季耆舊盡殘藁不勝情

予季十五從蔡先生讀書先生老友吳友篋者洞庭山  
人忘其名刻七十二峰足徵集一百卷屬先生次序先  
生半委予校正譌字吳自山上來便攜山果餉予一一  
佳品此集不甚傳然人間必有其本亦兩山之文獻  
矣吳醫所藏古器以刻詩蓋好事足尚者爲題詩云爾

識字兒時十五齡魯魚亥豕略分形詩雉七十二峰集人產東  
西兩洞庭山果箬包肉輩送竹樓飯罷午煙暝韶華回首真飄  
瞥那覓眾船好句聽

吳有太湖風船竹枝詞

顓圖裕軒學士獵射汜舟二圖

壬寅予乞假餞於君漫圃白版門扉幽亂花蠶蝶午縣一蓑一  
笠日以備風雨風雨亦何往十步隔隣鳴吁嗟此其人高風緬  
千古謝病十八季廉讓守環堵能自剋外期預築墳頭土墳北  
造小庵一僧報鐘鼓僂作上翁人田畝授以簿分明比兒孫衲  
衣衰經主生勞而外佚君諳生之苦故譖爲外計逍遙百無迂  
射飲黃鷹血釣宿綠楊浦此又糟粕耳微塵不可數

顓姜如農先生荷戈像今刑部侍郎

屣

先生之元孫也

童季同讀書先伯父書巷別墅爲其姑姜古研顓靈雨

春耕圖古研名桂貞女也畫品高逸詩中特表之云

少與侍郎同書壘壘中萬朵紅薔薇花時眎我靈雨卷兩點淚  
點相霏霏作畫之人女貞樹壓倒眼下諸芳菲是日蠶蝶俱不  
飛白日如照傷心幃侍郎之姑給事孫偉哉奇節出一門今日  
得拜老兵像既外猶是宣州魏先生謫詩自識  
曰宣州老兵國史輝煌佳傳在  
虎邱祠宇神絃喧四傳官貴九卿列天報孤忠亦異恩吁嗟乎  
萬古綱常三尺律臣道妻道只從一

歲晚書懷

未到龍鍾已欠疆熊經龜息亦非方病多漸覺中季過睡少纔  
知半夜長蚤起屠蘇作家宴喧聞爆竹度隣牆老夫緩攝人間  
景紙閣蘆簾有甚忙

小除夕月叔分送 賜朱二鋌以詩奉謝



九重清宴點羲文萬杵砂牀百和膠 賜出朱霞蒸殿角染來

紅蝠滿花梢

粵中有紅蝠蝠今畫家仿之

巾箱句讀慚兒課邨壑零星只紙包爆

竹江鄉它日景

聖恩一一誥衡茅

竹葉庵文集卷二十四

竹葉庵文集卷二十五

詞一

吳縣 張埴 商言

紅欄書屋擬樂府上

遙天奉翠華引

練時日

赤文浮寶圖仰神功聖德車書句垣脰曜維皇明祀奔趨受天  
司下土會睿昌龍祉煥璇樞肅斧凝旒鴻名累葉涵濡 崇禎  
大禧具九成三獻是孚鼓鐘磬聲黃戚朱袂陳臚至道元功宰  
允嗣傳彝敘式貞符陽燧陰精調甘適苦視璉瑚

中興樂

齊房

沐日暉兮吞月英三才萬象清寧稽圖緯神艸蒼真形 金繩

奕奕山河影鴻堤並石華遙映天下福荷遐齡

太平時

景星

汾祀初聞寶鼎歌景星多樓船下瀨長風波駭蛟過 王母不  
來巫蠱具感心窩神仙妻子兩銷摩茂陵何

巫山一段雲

巫山高

十二峯圍幄三千歲逝波文窗綺寮結煙蘿雲雨奈愁何 兒  
女山頭擘君王虜裏魔松釵石鏡埽陂陀猶似理青蛾

樓上曲

有所思三首

思上浮邱稱弟子仙人多受雷霆外思以佛爲主人翁黃金布

地貪天功 不若吹竽頻擊鼓有佳人兮歌金縷醒而讀古聖  
人書顏淵終日乃如愚

漫捕長蛇求膽賁長蛇張口歎腥霧轡回躡虎南山頭南山偃  
鬼雄糾糾 朱亥侯生非所病所哀黃金易人命人倫日用儘  
平常和風甘雨永迴翔

海上童男童女子低頭終鄉沙邱歿金箱玉杖賣人虔神仙餓  
倒東方燕 富貴輓轡如轉電長歎黃泉不重見淒淒薰葬憶  
同昌潏潏夜雨迫肝腸

一葉落

芳樹

一葉苦辭芳樹我思外友淚如雨讀書卅七季芳華埋黃土埋  
黃土寡婦誰能賦

子飛樂

雉子班

野田頭春水外雉雛母譁乍驚媒零亂天涯錦毛寒鮮狻薄一  
抹林霞如臯別後劇淒涼陳寶蕪家 大江南能幾日麥秀其  
花況老饗酌酒鳴瑟退藏時弟一好君子蒹葭文章非福只憐  
它鸚鵡誰誇

鸞唳序

將進酒

先生一栢亦醉曰三栢亦醉古人以時復中之解者徐邈而已  
飲之法竊通得器難同所遇同其理卜幽人貞吉平居衍衍如  
意 福喜填門椎牛伐鼓揖高陽屐止斯時也五經三雅渡江  
交錯朱履是華軒南皮大會棄冠笏何知天地儘陪它火鳳名

花錦如精婢 山家開釀脫粟迎賓則非此種比或好景茶清  
香孰十里桑柘拜母登堂故人長禮其時所語黃農虞夏分明  
出處它季局亦陶然擊缶歌呼矣茅堂設榻顛幫醉墨欹斜竹  
栢瀟灑如是 它如避客謝病荒帷得蒼生達旨點勘畢騷中  
君父易內乾坤新月窺簾巖葩自喜人閒盡識淵明詩卷醉之  
以酒觀其態曰先生於是婆娑耳羨虛與在無爭害馬歡場我  
其謹避

歸田樂

艾如張

瓜田削艸田爲路瓜蒂艸根俱苦上下有羅兮吁此羅兮奈何  
許 啾啾黃雀連雛去哀此紕千毛羽誰肯放雛飛終鄉君室  
銜環舞

雪花飛

雨雪曲

都護三季不調黃河一路冰  
渾留得羊裘老卒炊火轅門  
蔥嶺枯如粉陰山夜似銀  
何處羌兒碧眼又裹紅巾

拋球樂

劉生

伐鼓脰鳴鐘劉生讌未終  
廁閒求豫讓花下殺秦宮  
綠野園如市來朝又冥鴻

瀟湘逢故人慢

公無渡河

公虜無渡偏公虜渡此百足之虵  
濁浪大於天夏黃龍摩齒白  
馬流涎陽侯一咲掩靈旂  
迅入重淵又說甚桂橈蘭楫  
太平壽

考季季 華堂上陳竹肉泛流霞玉纖親奉嬋娟公亦樂神仙  
怎被髮沈夙填此河源排闥御闔哭巫咸不應唬猿傷心事鬼  
妻猶在篋篋試聽餘絃

昭君怨

王昭君

三尺錦屏似鐵萬里龍沙似雪旣作漢宮人願和親 水艸穹  
廬曲磔也勝昭陽新綠何處寄書哀李陵臺

駐馬聽

飲馬長城窟行

飲馬長城見城下千季骭骼飄零誰無父母誰無妻子排門捉  
盡男丁築登登挂人頭似點紅鐙噫可哀哉鮑魚滋味一樣同  
腥 須知一朝鎖鑰土石難憑看杳杳天塹瓦堞終崩畢竟報



韓有客來洗千萬冤靈試聽者便號泮如怒潮聲

三字令

上畱田行

十畝地繚之垣上畱田脊令薶紫荆鮮人不弟不如物上畱田  
兄媿惡弟難言上畱田手難斷足難連人不弟不如外上畱  
田

江城梅花引

婦病行

送郎行後體如霜立茫茫坐茫茫自到君家何事不心傷花正  
初開人正遠一鑪藥對東風卷翠裳翠裳翠裳有妃央水滿  
塘風滿廊寢也寢也寢不醒又換唬蟹只怕青陵松栢掩高岡  
若是郎歸須說與寒食夜上新墳哭幾場

烏夜啼

烏生八九子

頭白難爲老畢逋城上初還郵亭攬囚將雛飯流血染如月  
一日不成反哺紙錢枯菊盤桓孤兒未死秋風起那得不心酸  
霜天曉角

雞鳴高樹顛

名倡碧玉夫婿金閨屬每夜蘭膏幾燄曉星下盡蛾綠 門扉  
月杳熟雞飛爭上屋長願黃冠青綬飭金祀迎新旭

小秦王

從軍行二首

天王鹵簿到降城塞艸邊花盡不驚奏說呼韓頻夜獵十季不  
近漢家營

金瘡手裏血如麻轉戰臨洮未到家兒女不知征戍苦猶然  
面祝桃花

鋸解令

董逃行

董逃逃後董何如免不了涇濟點火崩船已去後船來勸賣履  
分香望我 洛陽粉破斷送長陵寶貨高皇菹醢太無情算轉  
在冤魂打夥

連理枝

三婦豔

大婦金絲帳中婦雲霞斃小婦縫裳季季火浣千銖一丈願良  
人涼燠永無訛但由伊心上解一 大婦葡萄釀中婦葫蘆醬小  
婦和羹季季鮮鯁千銖一網願良人飢渴問農時總在儂心上

解二

紆那曲

秋胡行

掩泣坐當門  
淒淒故婦魂  
趁郎金未盡  
另覓采桑人

桂殿秋

崑顛

誰粲者道  
傍姝三季  
貞璧裏羅襦  
縱然不念妾  
顏色寧以黃金  
奉老姑

賀新郎

譜哉行

壽命如兒戲  
咲千季神龍  
臍骨靈蛇脫  
蛻蠶股承花  
蕪不可糞  
衰蛻丸而喜  
亦自適乃爲  
佳耳幾日輞  
輟衰柳嬰但  
送卷人返

狐狸睡一陣陣梨花肥 九華鐙下連珠伎問何如考鐘伐鼓  
上堂揚鱗古不能今今又古金粉煙雲無際極口燥唇乾難治  
歲歲荒田耕不了是東京瓦務南朝寺時拾得玉釵子

陽臺廢

豔歌行

破瓜營伎年三五裊箏入直將軍府府中嬌女字無雙似匏瓜  
獨處 將軍年邁矣誰與春風作去聲主夜深吁氣入羅帷只恐  
爲雲去

集賢賓

門有車馬客行

避人小築城東宅門爲誰開故人因吾久別滌濟踰淮一揖起  
居堂上論丁數及嬰孩先人稼穡今何似荆花爛漫無乖說到

家庭情重雞犬入茅齋  
戲兒新釀鰕魚頤買向市梢來  
夏和長腰白米鄉味佳哉  
廚下蒼頭答應牆頭隣婦  
喧猜夜淡捉手尊前語經  
綸業勗汝胚胎仰視瑤光  
耿耿珠月吐修廡

薄倖

白頭吟

同心松柏問誰是青青一色也  
千古英雄兒女易起旁人偏仄  
記年時花下相逢而今重掩羅  
衫泣算一半窳讎五分恩愛織  
就龍須八尺君不見茂陵女摧  
痛了文君肝腸蚤知今日事  
王孫門第孀娥聲價千金直我  
心非石又何煩這種琴聲抹弄  
朱絃七哀哀淒絕妾守成都四  
壁

桃源憶故人

梁甫吟

臥龍岡下先生住，桑八百株盈圃。梁甫吟成，聲苦童子陳瓜脯。  
季季牧豎，秋風午猶斂。艸堂門戶，聞說錦官城路。丞相今無  
府。

念奴嬌

長門怨

十季金屋似秋風，未曾到過殿。鹵南角好癡，今宵誰導引翠輦。  
不驚花落，緩緩銅龍，明明玉兔，曲曲金魚，鑰君王何處。小黃門  
半閒著，醒來面目，憔悴神魂，做悅頻悔。當時錯寶釧，羅衣渾  
不是物，亦因人而惡。巫蠱無靈，文章有鬼，須得相如作。台歡重  
種，又添何限紅萼。

惜秋華

班婕妤

聽說昭陽有鬻人鼠子君王情熱壁帶幾條黃金盡涂凹凸獨  
憐薄命樊姬受不起時時傾軋何如但東宮供養餘生無孽  
姬不有言曰凡不臣之愬鬼神不接悖此念者天祖已誅臣妾  
平生二館傷心也眉了綠綈方篋淒絕盼庭柯秋風一葉

一點春

春江花月夜

璧月時時滿春波夜夜添弄珠女遠樓東立無數江花不卷簾  
絃那曲

玉樹後庭花

下馬奏清笳朋箋鬪狎斜黑頭江總在愁殺後庭花

河瀆神

青溪小姑曲



人鄉秣陵還送子青溪幾灣斷橋殘寢有燕閒撲漉時飛白鷗  
風起長季多鬼語船在冬青樹下明日又逢春社隔江飄過  
蘭麝

法駕導引

祀漁山神女歌二首

捐吉日捐吉日神福迓休嘉玉兔翠鸞相對舞一天紅雨噴桃

花晚鼓聽開衙

右迎神

蠻雲舞蠻雲舞舞罷醺醺江上紙錢腥不了家家無事蚤關

門路上少行人

右送神

竹枝

女兒子二首

門南綠水

竹枝

女兒磯

女兒

朝朝算算

竹枝

望君嗁

女兒

吳蠶盈筐

竹枝

桑葉苦

兒女

不如寄郎

竹枝

三尺布

兒女

華山畿二首

華山山峯神女似華山可剗妾不舛

此棺必葬華山顛千秋萬歲並頭蓮

羅噴曲

上聲歌五首

歌者是何人上聲酸以辛闌干一寸地便有九疑分  
綦履掩莓苔鳴箏坐玉階儂身若金鎖歡但到門開  
妾若冬青木郎爲朝槿花花開難結子木落又生芽  
尺布縫兜肚郎寒妾亦寒絡絲重裏絮心腹要防奸  
不聞郎履聲已聞郎馬嘶不堪多會面一會一分離

南鄉子

阿子歌

二月吹簫買花買酒虎山橋少女當家歌  
鳴子風起便脫紅裙  
裏不已

搗練子

歡聞歌二首

歌一串意千重歡若聞時莫假聾  
歡但不聞猶自可恩情自此  
各鹵東

歡似此可憐儂劈面平添太華峯  
一點丹脣能吐恨季季吁氣  
作長虹

甘州子

丁督護歌

一聲督護一傷魂  
丁督護爲誰親  
竹杠三尺瓦新盆  
哀感路旁

人丁督護夫婦不忘君

憶秦娥

團扇郎

花如銀白羅團扇遮郎君遮郎君夜涼人靜同汝關門朝來  
皺了畱仙裙裙拖半畫巫山雲巫山雲茶蘼開後只是銷魂

孤鸞

黃鵠曲

參天鴻鵠每中道喪回不如鶩鴝四處張羅有甚稻梁林麓破  
巢恐燕完卵賸鞦韆衰雛而哭惹得月山紫鳳也看頭頻顛  
似柏舟之詩那堪讀想賢母當年外生轆轤劍戟兜鍪半是闔  
牆相逐持家漫誇健婦閱冰霜幾番榮辱得舅孫數世說夫  
人芳躅

生查子

碧玉歌

碧玉破瓜時，子郎千金體。膚髮盡郎知，何處能迴避。  
解一

碧玉

破瓜時，感郎千金意。何以報郎恩，瓜破還郎子。  
解二

江南春

桃葉歌二首

芳艸渡野花，紅萼愁湖上。立隱隱，六朝鐘。風波滿眼誰迎汝，桃  
葉山前韓子通。

花溼溼，水鱗鱗。沿隄牽錦纜，隔岸逗朱輪。歸來薄怒緣何事，不  
許臨窗寫洛神。

繫裙腰

懊儂歌

珊瑚七尺已敲殘  
郎對簿幾時還  
白州井畔種寄窵  
妾歿後翻風老  
莫心酸  
飛花一樹付刀山  
河陽縣血流月  
妃央  
豹底可盤桓  
郎進酒妾吹笛  
再團樂

調笑令

莫愁樂

顏墨顏墨  
邑是朝歌  
不入何季古  
石城頭  
但聽人歌  
莫愁愁莫愁  
莫富貴歿於安樂

哨徧

估客樂

划背艦牆高據榜  
人人在  
湓流際  
渺泔河  
漢潛無  
東西亂  
蠶腥吐吞  
臚尾有小髻  
海童出而遙  
睨  
嬭賓犁  
鞦于闐市  
肯貨殖  
三季蕩心赤  
仄不穀區區  
鈇携載  
瑤玕珣  
重朱提  
夏桃戈挑呼

女青衣其外陰精得母求胎上清如意 噫客好游兮蝸虺魃  
鱗邇邇底千季真老蠶其文甲若玻璃趁未見龍龍照鐙封蠟  
偷割十丈冰蠶絲織廁脬中幫燦於陽邁將非兜羅澄水料饑  
翅賽過鄧家總便氈毳豈人知盼天風嫋嫋搖裔波濤不  
離衾枕且勝賣月豈試將貓眼空青靺鞨日日羅陳階阨桑宏  
羊且奈何伊但耕田怎贏家計

阮郎歸

大堤曲

綠藏鸚鵡繡簾低花邊錦障泥一郎行後一郎歸山盟海誓伊  
妝欲罷髮初齊光綾窄窄衣十季鹽鐵老商妻朝春掩淚唬

歎乃曲

那呵灘

信由乍浦報平安月到揚州圓又圓夜夜那呵灘畔立風波愁  
殺兩來船

月照梨花

夜度孌

約我將果窗兒低安一夜如牽雙星似火憐你汗了花鞦是蒼  
苔花陰小膽防金鎖這般摧挫著甚來由麼問郎情分該不  
該拌坐郎懷與郎猜

侍香金童

楊叛兒

秘殿淒涼白日真無那痛牽少楊郎無罪過鬪腕春魂嬌欲臥  
誰道官家很心瞞我在鹵州喜字團團曾寄个偏喜事今朝  
遭折挫老蚌山陰生此卵憶否須尋著黃羅襪



楊柳枝

月節折楊柳歌十三首

正月東都稊欲青  
宐春帖子報新晴  
紫姑太乙紛紛是  
分得桃湯祀柳星

二月駮黃鬪鬱金  
梨花同伴夕陽墳  
朝來數點社翁雨  
未有長條愁殺人

三月流殤記永和  
侍中貂試柳圈平聲  
多我來情盡橋頭  
立數徧人閒金犢過

四月悠揚浴佛天  
棟花開在杜鵑岸  
爲萍爲絮眞難定  
綠暗紅稀又一季

五月五日景芳妍  
菖蒲綠到鏡奩前  
郎似菖蒲妾似柳  
郎能九節妾三暝

六月扶桑大火升水亭如畫綠澄澄勸君莫喜折楊柳驢背行  
囊熱不勝

七月穆穆感素秋相逢兒女語牽牛曾是昔年頻繫馬明燈酒  
脯曝衣樓

八月珠胎夜夜嬌笙歌雜坐小紅橋美人消息今如許賸水殘  
山在舞腰

九月常登戲馬臺紫萸黃鞠爲誰開桓溫舊日銷魂物半作秋  
風江上柴

十月疎林送遠人灞橋清渭絕無塵明駝出塞兒千里葉樣眉  
梢澁殿春

十一月多雨雪涼枯枝誰繫紫駟韁繡來一幅章臺景寸許工  
夫爲爾長

十二月填新柳枝誰人解唱瘦銅詞太平宮調多翻徧正是移  
經換柳時

閨月榮枯細較量漫教短寸似黃楊願爲清淨餅中水供女華  
嚴繡佛幢

憶江南

江南弄二首

江南樂莫再說三吳歌舞教成兒女去綾羅織就摺紳無剗因  
補瘡疎

江南物奇伎實妖淫用盡鬼工非大器嘔將心血變黃金入骨  
病根深

采蓮令

采蓮曲

女兒身生長橫塘上橫塘下滿街荷巷翠螺嬾髻露黃金寶釧  
花心慳羞人處船兒欲轉花兒亂動鴨兒飛去盈丈一霎殘  
霞似問水急風聲響半明滅月衣雲髻玉環湖目暝色裏密刺  
兜儂掌濺潮尾紅裙半溼家門將到小閣點燈三兩

泛清波摘福

采菱曲

浮花著蔓了角牽絲淡綠嫵青都窈窕水晶宮裏最是吾鄉種  
菱好非卑澇先人舊宅十里平泉如畫曲闌臨水靠太傅風流  
爲聽菱歌遂初蚤滄桑渺今日可哀可歎一樣夕陽紅蓼兵  
後高門奈何亂雅空臬銅仙悄畱得販客市橋季季此時齊到  
數過秋風晚唱蕪櫟將老

陽春

陽春曲

唱陽春陽春好照徧萬千林麓偏喜太平時無兵革阜者山也  
坎邪谷發祥清淑關幾世先人饋鬻全是指點青銅海悠然以  
爲湯沐 奈開府將軍金鋪換多阜隸兒孫踏鞠難堪安牀布  
白辟疆園一片鼃蜩秦珠大於寶匱抵不得遺書盈束儘搔癢  
白髮豪門客刁騷滿目

五福降中天

積善篇

粵蘿圖金牒乃眷永祚天昌金鑑在宥人勉勉吾皇仁以親親  
爲寶善以孳孳未央一簣爲山積功累行邁虞唐 三才七政  
彌繼嗣威靈四方德火道薪同冶刮垢而光青天赤子袞一粟  
神明紀綱繪畫中天萬幸陰隲理蒼蒼

醉太平

宴酒篇

醇之又醇昏之又昏斯謂萍氏荒人以糟邱禍身  
賓筵乃溫斯謂天祿賢人以鬻醜養尊  
倉壽乃臻

竹葉庵文集卷二十五